



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06, 51/09), člana 69. Statuta Općine Centar Sarajevo ("Službene novine Kantona Sarajevo" 35/10) i člana 3. Odluke o načinu odabira i praćenju realizacije projekata nevladinih/neprofitnih organizacija po LOD Metodologiji ("Službene novine Kantona Sarajevo", broj: 10/18), Općinski načelnik raspisuje:

**JAVNI POZIV
ORGANIZACIJAMA CIVILNOG DRUŠTVA/NEVLADINIM ORGANIZACIJAMA ZA
REALIZACIJU PROJEKTA MREŽA CENTARA ZA ZDRAVO STARENJE OPĆINE CENTAR
SARAJEVO**

Općina Centar Sarajevo poziva organizacije civilnog društva (OCD)/nevladine organizacije (NVO) iz Bosne i Hercegovine da dostave prijedlog realizacije projekta koji je u skladu s strateškim/razvojnim ciljevima Općine iz oblasti:

1. Promocija zdravlja i poboljšanje kvaliteta života osoba treće životne dobi;
2. Poboljšanje socijalne uključenosti osoba treće životne dobi u zajednicu i društvo.

Sredstva za odobrene prijedloge projekata iznosit će od 15.000,00 KM do 55.000,00 KM po projektu. Općina zadržava pravo da poništi Javni poziv u slučaju da prijedlozi realizacije projekta ne zadovoljavaju zadate kriterije, kao i pravo izmjene iznosa odobrenih sredstava u skladu sa budžetskim sredstvima Općine.

Izabrani projekti provodit će se maksimalno do 24 mjeseca od dana potpisivanja Ugovora, uz ispunjavanje uvjete naznačenih u Smjernicama za aplikante.

LOKACIJA:

Projekat će biti implementiran na području općine Centar, u objektima u kojima su smješteni Centri za zdravo starenje Općine Centar Sarajevo i to na lokacijama: MZ-e Marijin Dvor, MZ-e Pionirska Dolina, MZ-e Koševo II, MZ-e Soukbunar.

PRAVO UČEŠĆA:

Učešće u ovom Javnom pozivu je otvoreno za OCD-a/NVO-e u čijem je fokusu rad u oblasti promocije zdravlja i socijalne uključenosti osoba treće životne dobi, koje imaju najmanje 3 godine iskustva u realizaciji sličnih projekata. Zainteresirane organizacije civilnog društva detaljne informacije o uslovima za prijavu/apliciranje i kriterijima za finansiranje realizacije projekta mogu pronaći u Smjernicama za podnosiocce prijedloga realizacije projekta u okviru Javnog poziva.

PREUZIMANJE DOKUMENTACIJE:

Dokumentacija i informacije vezane za prijavu na Javni poziv za Općinu Centar Sarajevo može se preuzeti od 14. marta 2024. godine do 11. aprila 2024. godine, sa službene web stranice Općine www.centar.ba, ili lično: Općina Centar, Služba za obrazovanje, društvene djelatnosti, kulturu i sport, ulica Mis Irbina broj 1, Općina Centar Sarajevo, 71 000 Sarajevo.

PREDAJA APLIKACIJA:

Popunjena aplikacija sa kompletnom dokumentacijom dostavlja se u jednom (1) primjerka u štampanoj formi i u jednoj elektronskoj kopiji (USB) u zatvorenoj koverti, sa naznakom „**Za Javni poziv za realizaciju projekta Mreže centara za zdravo starenje Općine Centar Sarajevo - Ne otvarati prije zvaničnog otvaranja**“, preporučenom poštom ili na protokol Općine od ponedjeljka do petka, na adresi ulica Mis Irbina 1, 71 000 Sarajevo.

Rok za predaju aplikacija je **11. april 2024. godine do 16,00 sati**. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Svi aplikanti koji su predali prijedloge projekata, koji su prihvaćeni ili odbijeni, će biti obaviješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva.

Prispjele prijedloge razmotrit će i procijeniti Komisija za ocjenjivanje, imenovana od strane Općinskog načelnika. Rezultati će biti objavljeni na web stranici Općine Centar.

Pitanja po Javnom pozivu mogu se uputiti na mail: nvo@centar.ba

Broj: 13-34-1963/24

Sarajevo, 14.03.2024. godine

Općinski načelnik

Srđan Mandić